



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Svmma Bvllarii Earvmve Svmmorvm Pontificvm  
Constitvtionvm Qvae Ad Commvnem Ecclesiae Vsvm post  
volumina Iuris Canonici, vsq[ue] ad Sanctissimum D. N.  
D. Pavlvn Papam V. emanarunt**

**Quaranta, Stefano**

**Venetiis, 1619**

Bannitorum fautores.

**urn:nbn:de:hbz:466:1-10793**

**P**RÆTER Summittas sciendum est, quod contra ecclesiasticas personas Regni Neapolitani Bannitorum fautores fuit per Sixtum V. prouisum per Breue tenoris sequentis videlicet.

*Sixtus Papa V. Dilecte fili nobilis vir salutem, & Apostolicam benedictionem. Exponi nobis nuper fecisti, in Regno Neapolitano, ac præsertim in Prouincia Aprutij nonnullos Bannitos viarum grassatores existere, contra quos pro tui officij debito omni studio procedere intendis, & ad id necessaria omnia remedia præparasti. Ne autem dicti banniti & viarum grassatores condignas delictis suis pœnas euadant, prouidere volentes omnibus & singulis Abbatibus, Prioribus, Abbatissis, Priorissis, Prapostitis, Plebanis, Guardianis, Archipresbyteris, Preceptoribus, Commendatarijs, Rectorib. & alijs quibuscumque personis ecclesiasticis secularibus, & quorum nis ordinum & militiarum regularibus, Regni, & Prouinciæ huiusmodi sub excommunicat ionis latæ sententiæ pœna, a qua nisi a nobis aut Romano Pontifice pro tempore existente, præterquam in mortis articulo absolui nequeant, districte prohibemus, ne dictos bannitos, & viarum grassatores in Monasteria, domos, ecclesias, cappellas, hospitalia, aut quæuis alia loca recipere, seu in eis occultare, aut illius auxiliium, consilium, fauorem seu victum aut vestitum vel alia eis necessaria directe, seu indirecte quomodolibet præstare audeant, seu præsumant, non obstantibus quibuscumque constitutionibus, & ordinationibus apostolicis, nec non monasterium & aliorum locorum prædictorum iuramento, confirmatione Apostolica, vel quauis firmitate alia roboratis, Statutis, & consuetudinibus, ceterisque contrarijs quibuscumque. Ceterum quia difficile foret præsentem literas ad singula quæque loca deferri, volumus & similiter Apostolica auctoritate decernimus, quod præsentium transumptis etiam impressis, & sigillo tuo obsignatis eadem prorsus fides adhibeatur, quæ præsentibus adhiberet, si forent exhibitæ, vel ostensæ. Datum Romæ apud Sanctum Petrum sub Anno Piscatoris die 20. Maij. 1589. Ponti. nostri anno quinto. M. V. estrius Barbianus. Antonius Ruloffius. A tergo. Dilecto filio nobili viro Joanni de Zunica Proregi Neapolitano Locus Sigilli. Impressa Neap. Apud Horatium Saluiannum 1589.*

De materia bannitorum, & eorum fautorum extant nonnullæ Bullæ præsertim Greg. 13. incip. Tanta. fol. 1294. in Bullario, & Sixti V. incip. Hoc nostri. fol. 18. cum ibidem adnotatis per dominum Laetium Cherubinum Iure consultum Romanum eximium compilatorem Bullarj super quibus extant cons. Nauar. 57. 68. & 59 de sent. excom. in antiq. vbi tenet non incurere eos, qui dictos bannitos quo ad victum adiuuant in extrema necessitate, faciendo eleemosynam, vel aliud opus genere suo bonum, ad finem conuertendi, & pœnitendi.

**A**D D I T I O. Nec etiam incurrant illi qui per ignorantiam receptauerint aliquos nescientes eos esse bannitos ex dictis per Ang. in tract. malefic. & ibi August. Ariminen. in apostil. in ver. maleficio semper astitit. nu. 23 per Nell. in tract. bann. in 3 par. secundi temporis. q. 20 Afflict. in Const. Pactarenorum num. 8. cum receptare in se non sit delictum. Boss. in tit. de rapinis nu. 21. in foro autem exteriori præsumitur scientia quando esset publicum, & notorium illos esse bannitos. glos. in l. 1. ff. de receptat. & per dictos Doctores in locis præalleg. & quando dici potest esse publi.



*cum late per Bos. vbi supra.*

*Est & alius casus vt non incurrant quoties huiusmodi receptatio a personis ecclesiasticis esset coacte & non voluntarie facta propter violentiam bannitorum, adeo vt non possent illos expellere absque sui periculo. Afflict in d. const. nu. 3. Campan. in c. regni licet contra receptatores. sub nu. 1. Rolan. cons. 45. vol. 1.*

*Tertius est casus vt non incurrant quoties ipse personę ecclesiastica talis bannitos receptarent animo exhibendi, & presentandi curia, dummodo talem haberint intentionem in specto tempore receptionis, secus vero si ex post facto hoc delibauerit prout colligitur ex dictis notabiliter per Nell vbi supra q. 24.*

*Præallegata Sixti Quinti constitutio est tenoris sequentis.*

Sixtus Episcopus seruus seruorum Dei, ad perpetuam rei memoriam.

**H**OC Nostri Pontificatus initio inter multa Reipublicę damna & incommoda, quę menti nostrę obuersabantur, nobis longe fuit grauissimum, quod Populos S. R. E. ditiori temporali subiectos, nõ modo ad rerum substantiarumque suarum perturbationem & iacturam, sed etiam vita pericula redactos inueniremus, Exulibus, Bannitis, ceterisque id genus facinorosis hominibus ita vndique ingruentibus & grassantibus, vt vix quisquam ab hac hominum peste tutus alicubi consistere posse videatur. Quare cum ad hæc sananda mala, ex officij nostri debito, & præcipua erga nostros, ac eiusdem R. E. subditos charitate assidue extimulēmur, nihil nõ agere & cõtare decreuimus quo Populis optata quies, salus, securitas, & tranquillitas per nos restitueretur. Quod ita deum, Deo auxiliante, speramus nos esse consecuturos, si caute provideatur, ne vllum domi fortisque intra extraque fines nostros criminosis hominibus huiusmodi pateat diffugium, aut receptaculum, sed omnino legum & Magistratum seueritatem Iustitięque gladium subire, ac debitas pœnas luere cogantur.

Itaque de fratrum nostrorum consilio, omnes & singulas Cõstitutiones a Fel. rec. Pio. II. Paulo etiam II. Sixto III. Iulio similiter II. Leone X. Clement VII. Iulio. III. Pio etiam III. Pio V. Greg. XIII. & quibusuis alijs Rom. Pont. prædecessoribus nostris, suo cuiusque tempore in decessibile prædictorum, & aliorum infrascriptorum hominum genus, pro temporis & criminum ratione editas, cū omnibus & singulis in eis contentis, quo ad ea quę presentibus non contrariantur, & excepta Excommunicationis sententia, per easdem Cõstitutiones in illis contravenientes promulgata, quam ne animarum perniciem potius quam salutem adferat consulto tollendam & submouendam duximus, ex certa scientia nostra approbantes, & innoquantes illarumq; omnium tenores, ac si de verbo ad verbum infererentur presentibus pro expressis & insertis haberi volentes,

Vniuersis & singulis Ducibus, Principibus, Marchionibus, Comitibus, Baronibus, & Domicellis, etiam quacunque Ecclesiastica dignitate fungentibus, nec nõ Vicarijs feudatarijs, Armorum Ductoribus, Capitaneis, Magistratibus, Communitatibus, Vniuersitatibus, & Officialibus Ciuitatum, Terrarum, Castroꝝ, Oppidorum, & aliorum quorumcunque locorum prædictę R. E. mediate, vel immediate subiectorum in virtute sanctę obedientię, ac sub indignationis nostrę, nec non duorum millium per Communitates, & mille per Vniuersitates, ac quinque millium ducatorũ auri Camera Apostolica irremissibiliter ipso facto applicando.



candorum per Dominos temporales, & alios prædictos absque alia declaratione incurrendis pœnis (vltima in eorundem prædecessorū nostrorum & literis contentas) districte præcipiendo mādamus, quatenus adhibita exactissima diligentia, de qua per publica documenta, & alias probationes fidem faciant, eorū Ciuitates, Terras, Oppida, Castra, Villas, dominia, loca, & territoria omnia per duellionibus Homicidis, Latronibus, viarum Grassatoribus, Raptoribus, Incendiariis Sicariis, Exiticiis, publice quietis perturbatoribus armatas facientibus statum Ecclesiasticum hostiliter peragantibus pro quocūque crimine capitali, etiam in contumaciam Bannitis, aliisque similibus notoriis delinquentibus & facinorosis hominibus etiam nondum condemnatis, eorumque fautoribus, & complicitibus quos omnes nostros, districteque R. E. rebelles, ac publicos Hostes esse decernimus, secunda, libera, & expurgata custodire, tenere & præseruare. Nec non si quos ex ipsis eo accedere vel commorari, seu ad prædicta loca declinare, vel illac pertransire cōtigerit, statim illos capere & apprehendere, ac ad carceres conducere, captosque nostris & pro tempore existentium Romanorum Pontificum Magistratibus, & Officialibus fideliter tradere & consignare, Populosque suos pulsu campanarum & aliis signis ad arma conuocare, & coadunare teneantur.

Quod si illos capere & apprehendere per se ipsos nequiverint, finitimas quasque Communitates & Vniuersitates necnon dominos temporales commonefaciant, & in auxilium conuocent, iunctisque simul viribus eosdem per duelliones, homicidas, latrones, & alios prædictos forti manu & incessanter quocumque se verterint, etiam extra proprium territorium, & iurisdictionem in ipso persecutionis actu vsque ad vltimam eorum profligationem prosequantur, ac vt capiantur, & apprehendantur, seu profligantur omnem operam adhibeant.

Cumque verisimile non sit, huiusmodi hominum genus in occulto versari, & eos qui ad custodiam tenentur si diligenter inuigilent illorum notitiam non habere, neque tantam multitudinem esse posse, quin ad hominis temporalibus, ac Communitatibus, & Vniuersitatibus prædictis vinci & opprimi queat iuncto præsertim finitimorum auxilio, cauillosque excusationes sibi in posterum nullo modo suffragentur.

Particulares vero personæ cuiuscunque status, gradus, & conditionibus existentes sub quingentorum ducatorum similiter eidem Camere ipso facto applicandorum, aliisque corporalibus, etiam vltimi supplicii inclusiue Gubernatorū & Officialium prædictorum arbitrio iuxta cuiuscunque personæ & culpæ qualitatem extendendis pœnis cum primum campanæ sonitum aliaue signa populū aduersus dictos facinorosos homines conuocantia audiuerint, vel alias de illis quomodolibet notitiam habuerint arma capere, & ad locum necessarium accedere, ac vna cum aliis & per se ipsum omnem conatum in persequendis capiendis & profligandis Bannitis, aliisque nefariis hominibus prædictis adhibere teneantur.

Præterea sub eisdem pœnis omnes & singuli prædicti tam in Vrbe, quam extra eam ad quacumque Curia, seu Ministrorum & Executorum Iustitia, vel cuiusque eorum simplicem requisitionem, ac etiam nulla requisitione præuia (si aliquos ipsis resistere vel sese opponere, seu aliquod impedimentum adferre, eoque ad aliquam executionem faciendam auxilio egere quoquo modo cognouerint) eisdem Curia Ministris & Exequutoribus opem & fauorem, armata etiam manu cōferre & subuenire ac præsto esse, & denique obedire eosque si opus fuerit in perquisitione, executione, per matione, transitu, & aliis pmissis comitari debeant.



Insuper statuimus, & ordinamus, vt si qui ex Perduellionibus homicidis, latronibus, furibus, & aliis facinorosis hominibus prædictis in Ciuitatibus, Terris, Oppidis, Castris, Villis, Dominiis, locis, & territoriis huiusmodi damna aliqua intulerint (seu furtum, aut latrocinium commiserint, nec capti & deprehensi fuerint, sed impune euaserint, Domini temporales seu Communitates & vniuersitates Nobis & Sedi Apostolicæ mediate ac immediate subiecti, in quorū locis territoriis, & iurisdictionibus respectiue similia perpetrata fuerint, præter hoc quod ad damnorum quorumcunque sicillatorum parti læsa damnaque huiusmodi patienti, ac eorum hæredibus plenariam restitutionem & satisfactionem omnino teneatur, ad tantum etiam quantum damna illata astimata fuerint Camera prædicta realiter, & cum effectu persoluendum eo ipso sint districti, ac alias prout latius continentur in aliis literis dicti Pii V. prædecessoris contra dominos ac Communitates, & Vniuersitates eorum territoria non custodientes editis, quas, firmis tamen remanentibus aliis supra & infrascriptis præuis tenore præsentium etiam innouamus.

Duces quoque, Principes, Marchiones, Comites, Barones, Domicellos, Vicarios, Feudatarios, Gubernatores, Magistratus Doctores, Capitaneos, & Officiales prædictos, nec non quoscunque alios cuiuscunque etiam Ecclesiasti. dignitatis, conditionis, status, gradus, ordinis, excellentiæ, sexus, & ætatis, dummodo decimum quartum illius annum excedant huius status & iurisdictionis nostræ temporalibus, ac prædictæ R. E. in eisdem temporalibus mediate vel immediate subiectos etiam Domina iurisdictiones & loca extra statum prædictum obtinentes, qui Perduelliones, homicidas, latrones, & alios nefarios homines prædictos in suis quisque Dominiis, Terris, Oppidis, Castris, Fortalitiis, villis, locis, territoriis, seu domibus tam in ipso statu, quam extra eum consistentibus receptauerint seu confouerint, aut quod in illis recipiatur vel captos eriperint seu occultauerint, aut illos potestatem seu commoditatem euadendi fecerint, vel carcerem aut aliam quamcunque custodiam effregerint, inuaserint, aut quoquo modo violare tentauerint, siue ad hoc homines vel arma aliaue ministrauerint, siue alias auxilium, consilium, vel fauorem, palam, vel in occulto per se vel alium seu alios quoquo modo etiam extra territoria iurisdictiones, & domos proprias præstiterint seu prestare permisierint, vel etiam quoscunque Iudices, Ministros, aut Executores Iustitiæ in perquisitione, captura vel abductione, ac omnino in eorum officii libertate executione, siue in Vrbe siue extra ubique locorum impediuerint, seu verberauerint vel insequuti fuerint, aut concusserint seu minis vel alias perterritauerint, aut ad arma conclamauerint, alio siue concitauerint seu talia fieri mandauerint facientibus adhaeserint, & fauerint seu, alicuius Magnatis nomen auxilii causa aduersus Curiam, Executores & ministros prædictos inuocauerint seu franchifias appellauerint (contra quas aliam constitutionem dicti Greg. prædecessoris desuper editam similiter innouamus. Ac roribus etiam remediis in dies vsuri pro huiusmodi Actibus, præsertim in dicta Vrbe, tollendis, & omnino extirpandis) Læsa Maiestatis reatum verum, ac nulla iuris aut hominis fictione confectum crimen incurrisse, & eisdem R. E. rebels, omnibusque & singulis privilegiis, gratiis, libertatibus, indulgiis, exemptionibus, immunitatibus, realibus & personalibus, nec non Ducatibus, Principatibus, Marchionatibus, Comitatus, Ciuitatibus, Terris, Oppidis, Castris, Dominiis, Vicariatus, Guberniis, locis, iurisdictionibus, dignitatibus, etiam Ecclesiasticis honoribus, iuribus, officiis,



ciis, pensionibus, beneficiis & fructibus Ecclesiasticis, ac etiam quibuscunque feudis, & concessionibus, quæ a Rom. prædicta & quibuscunque aliis Ecclesiis obtinent, & in futurum obtinebunt, ceterisque etiam immobilibus, mobilibus & se mouentibus bonis iuribus & actionibus, eo ipso priuatos, ipsosque & illorum filios ad illa & quælibet alia in posterum obtinenda, ac quoscunque actus legitimos exercendos inhabiles & indignos fore atque esse. Nec non a toto statu Ecclesiastico vna cum eorum familiis perpetui exilii pœna damnari, Domosque ædificia arces, & fortalitia eorum demoliri, & solo æquari seu aliis dictæ Cameræ iuribus adscribi debere, nec illis portam vllius dignitatis Ecclesiasticæ vel municipalis vnquam patere decernimus & declaramus.

Vasallos vero Custodes, Capitaneos, Officiales, Populos & subditos eorundem a fidelitatis iuramento, ac homagijs & quocumque alio iure quo ipsis quomodolibet adstricti fuerint ex nunc penitus absoluius & liberamus.

Ducatus autem dominia, Vicariatus, gubernia, feuda, Ciuitates, Terras Oppida, Castra, ceteraque bona prædicta, nec non iura & actiones cum fructibus, & emolumentis eorundem Fisco nostro & Cameræ prædictæ ipso facto absque aliqua declaratione, citatione, Iudicis sententia seu decreto vel alia iuris & facti solennitate habenda, etiam in præiudicium filiorum descendentium & aliorum quoruncunque Agnatorum in inuestituris, concessionibus, seu alijs dispositionibus, comprehensorum in omnibus & per omnia perinde ac si per lapsum temporis illorum concessionis, & finitam lineam ad ipsam Cameram rediissent seu deuoluta essent, confiscamus, applicamus & incorporamus illaque sic nobis & pro tempore existentibus Romanis Pontificibus, & Cameræ prædictæ aperta deuoluta, confiscata, applicata & incorporata sub constitutione eiusdem Pij V. prædecessoris de huiusmodi dominij & iurisdictionibus in feudum, aut alias non concedendis minime comprehendi etiam declaramus.

Nec non quæcunque fideicommissa, substitutiones & alias dispositiones sub quacunque verborum forma, etiam cum expressa alienationis prohibitione, alijsque strictissimis clausulis & cautelis conceptas ad hoc vt fructus bonorum huiusmodi fideicommissis subiectorum durante vita naturali delinquentis etiam in contumaciam ex prædictis causis condemnati Fisco applicentur, & in dictæ Cameræ vsum conuertantur, proprietatesque dictorum bonorum quamdiu delinquens naturaliter vixerit per Fiscum & Cameram huiusmodi possideantur, & detineantur tollimus & abrogamus.

Ad hæc Communitates & Vniuersitates huiusmodi, si homines facinorosos prædictos receperint, tolerauerint cibis, commeatu, auxilio, consilio vel fauore aut quocumque alio modo etiam vt euadant per se vel alios iuerint omnibus pœnis supradictis supponimus, eorumque res & bona omnia nec non fructus & emolumenta eidem Fisco modo, & forma præmissis applicamus & appropriamus.

Particularibus autem Hominibus qui ad facinorosos prædictos capiendos, & apprehendendos, Iustitiæque; Ministris tradendos sufficientibus viris fuerint destituti, nisi eosdem illico pro palauerint, Officialesque Populos, & finitimos, ita vt nullo modo euadant conuocauerint. Ac demum ijs qui aliquem in præmissis culpabilem se iuerint, nec nobis vel successoribus nostris, seu alicui per quem ad nos vel dictos successores fideliter deferatur intra trium dierum spacium reuelauerint pœnam arbitrio iudicis pro modo culpæ etiam vsque ad mortem inclusive infligendam statuimus.

Decernentes super omnibus & singulis præmissis per accusationem, delationem,



nem, inquisitionem, & quouis alio meliori modo procedi posse.

Ac quacunque vetusta priuilegia siue exemptiones etiam immemorabiles, vel alias quascunque prætensiones de recipiendis & non consignandis huiusmodi Bannitis & alijs facinorosis hominibus nemini contra presentium tenorem suffragari etiam si de eis specialis, & indiuidua mentio facienda esset, neque Receptatores, Fautores, auxiliares, consultores, & alios quoscunque presentibus nostris ac prædecessorum nostrorum literis, ut præfertur approbatis, & innouatis quomolibet contraueniens quocunque prætextu etiam Agnationis, & cuiuscunq; Consanguinitatis etiam in primo gradu aut vnice, & nõ dolose & penitus inculpate, nec ad malum finem receptionis vllatenus excusari, Cũ beneficium publicum sit priuata necessitudini præferendum, nec dolus absit ab eo qui ipsius nefarijs hominibus & publicis inimicis quoquomodo se amicũ præstat, genusque hominum huiusmodi facile cognoscatur.

Eam quoque qui sese vi & metu ad manifestum, & instans vitæ periculum etiam tantum, de quo tamen per legitimas probationes docere teneatur, eis receptum dedisse siue victum & alia præstitisse asseruerit, nequaquam excusari nisi quã prius se subripere, vel alios transmittere potuerit nulla interposita mora de transitu, vel statione dictorum facinorosorum hominum viciniore locum, illiusque Magistratus & Officiales certiorauerit.

Et nihilominus ut præmissa suum debitum (prout ex intimo cordis nostri affectu exoptamus) consequantur effectum, Dilectis filiis eiusdem S. R. E. Camerario, Urbis Gubernatori, Caesarum Curia Camera prædictæ, Generali Auditori, necnon Prouinciarum nostrarum Legatis, de quibus plurimum confidimus, ac Vicelegatis, & Præsidibus Ciuitatumque & aliorum locorum prædictorum Rectoribus, & Officialibus, ac ceteris omnibus singularum constitutionum & literarum prædictarum Executoribus similiter in virtute sanctæ obedientiæ, ac sub indignationis nostræ pœna per Apostolica scripta mandamus; ut quisque pro se ad omnimodam presentium, ac salutarum literarum & constitutionum prædictarum, necnon pœnarum omnium in eis contentarum executionem omnino procedentes illas omnes, & in eis contenta quæcumque semper & vbique per omnia loca prædicta, ac ab omnibus sub illis comprehensis inuolabiliter obseruari, Capitalesque sententias prædictas a Iustitiæ Ministris absque alicuius irregularitatis incursum exequi mandent, & faciant, ac pro executione pœnarum pecuniarũ contra Communitates, Vniuersitates, dominos temporales, & alios prædictos propter eorum inobedientiam represalias concedant, realiterque & irremissibiliter dictas pœnas pecuniarias exigant.

Non obstantibus fideicommissis inuestituris, concessionibus, substitutionibus, testamentis, & alijs dispositionibus, nec non priuilegijs, exemptionibus, ac alijs præmissis, quorum omnium tenores ac si de verbo ad verbum nihil penitus omisso, & forma in illis tradita obseruata inserti forent presentibus haberi volumus pro expressis, & insertis, nec nõ omnibus que in singulis literis prædictis concessum est, non obstare, ceterisque contrarijs quibuscunque.

Rogamus quoque & hortamur attente in Domino omnes & singulos quacumque iurisdictionem temporalem extra statum Ecclesiast. prædictum exercentes, etiam Regia Ducali, vel alia quacumque mundana vel Ecclesiastica, auctoritate, superioritate & excellentia fulgentes, velint pro sua in nos & hanc sanctam Sedem Apost. deuotione, & obseruantia, reique ipsius equitate providere, ne post hac in prouincijs, dominijs & locis suis perduelliones, homicida, & alij facinorosi præ-



rosi prædicti vilo modo recipiantur, aſſecurantur vel tuti reddantur, quinimo ſi ipſos ad illa declinate, aut ibidem reperiri contigerit per ſuos Juſtitiæ Miniſtros & Executores capi, & apprehendi, ac ad Præſides & Governatores Præſentiarum & locorum noſtrorum vnde ipſi originem traxerint vel delictum commiſerint libere conduci & remitti, eiſque conſignari mandent & procurent: Ac quiſcumque ſaluos conductus, alias aſſecurationes reuocent, & annullent, prout nos vice veſtra idipſum contra huiusmodi facinoroſos homines a dictis eorū Præſidijs, & dominijs bannitos fieri, & obſeruari curabimus: ſperantes hac optima ratione omnino futurum, vt eiſdem R. E. & cuiusque eorum diſtinctionis, ſtatus (annuē: Domino) expurgetur, populique nobis, & illis ſubditi pacis, & tranquillitatis dulcedine fruantur

Vt autem præſentes literæ omnibus innotescant, & ne quiſquam illarum ignorantem allegare poſſit iubemus illa valuis Eccleſiæ S. Ioanni. Lateranen. & Baſilicæ Principis Apoſtolorum de Vrbe, ac in acie Campi Floræ appendi, eiſque detractis illarumue exempla etiã impreſſa in eiſdem locis affixa relinqui, factaque huiusmodi publicationem volumus ipſas præſentes hic in Vrbe publicatas die ſequenti, extra eam vero poſt decem dies quoſcumque perinde arctare, atque afficere, ac contrafacientes pœnas, & alia ſupradicta omnino incurrere, ac ſi eis ſingulis præſentibus in proprijs eorum perſonis & locis intimatæ fuiſſent.

Inſuper earundem præſentium exempla etiã impreſſa Notarij publici manu, & Camerarij prædicti, aut alterius perſonæ in dignitate Eccleſiaſtica conſtitutæ ſigillo obſignata, eandem prorsus fidem vbique locorum in iudicijs & extra illa facere, quæ ipſemet præſentes facerent ſi forent exhibitæ vel oſenſæ.

Nec non quod qualibet Communitas, Vniuerſitas & Populus quarumcumque Ciuitatum, Oppidorum, Caſtrorum & locorum prædictorum ſub indignationis noſtræ ac mille ducatorum dictæ Camera applicandorum pœnis per contrafacientes eo ipſo incurrendis ſtatim cum præſentes literæ noſtræ huiusmodi ſiue earum tranſumptum etiã impreſſum ad eorum notiſſimam peruenerit. Conuocato publico conſilio in præſentia Officialium Syndicorum, & curam maleficiorum habeantium, eas vna cum alijs prædeceſſorum noſtrorum conſtitutionibus ſic vt præfertur confirmatis & innouatis ibi alta & intelligibili voce, etiam vulgari ſermone illas declarando, vt melius & facilius ab omnibus percipi & intelligi poſſint legi, & facere, & deinde in eorum Archiuo publico diligētes cuſtodiri curare omnino debeant, ac ſingulis annis ſucceſſiue in principio cuiuslibet anni perpetuis futuris temporibus ſimiliter eaſdem literas præſentes & alias innouatas in eodem publico conſilio legendo reiterare teneatur. Alioquin loci Governator, Rector, & quilibet alius Juſtitiæ Miniſter quocumque nomine nuncupatus contra eos ad executionem pœnarum huiusmodi ſine mora irremiſſibiliter procedat. Dat. Romæ apud S. Marcum, Anno Incarnationis Dominicæ, 1585. Kal. Iulij Pontificatus noſtri Anno primo.

Contra vero receptantes alias perſonas etiam non bannitos, neque viarū graſſatores extant literæ directæ Illuſtriſſimo nuncio Neapol. in quibus inter alia diſponitur in hæc verba. Non piace a N. S. che le Chiefe, ne gl'altri luoghi ſacri ſeruano d'afilo, & di ricettacolo a triſti, Onde mi ha fatto commandare diſciuerne a V. S. che faccia prohibire, & intimare per parte di Sua Beatitudine ai Superiori de Monasterij de Regolari de tutti gli Ordini co'lmezo de gli Ordinarij, ò come meglio parerà a lei, che per l'auenire non diano ricetto a forte alcuna de condannati, ne banditi ladri, ò altre genti di male affare,

G



fare, ne a falliti, & debitori sotto pena della priuatione d'officio, si hauerà non titia del ricetto, ancora che non siano trouati questi tali nei Monasterij, & sotto altre pene anco maggiori ad arbitrio della Santità sua, & vuole in oltre che si stia auertito per punire quelli, che haueranno ardire di contrauenire a quell'Ordine: Potrà dunque V.S. andar publicando la prohibitione per li luoghi, doue ne farà maggiore bisogno, & di mano in mano per tutto, che non se ne possa pretendere ignoranza; & il Signote l'assista con la sua santa grazia, Di Roma alli 11. d'Aprile 1602.

*Di V.S. come fratello amoreuolissimo.*

*Il Cardinal di Firenze.*

*BAPTISMA.*

**P**RÆTER Summistas sciendum est qualiter Iulius Tertius vniuersis, & singulis Hebrais in Ciuitatibus, Oppidis, Terris, & Castris, & locis prouinciarum Campaniæ, Maritimæ, Latij, & Sabinæ, ac Ciuitatibus Castellani, & Nepesini, nec non Castris Fiani, Scrofani, Arignani, Castru noui, & Formelli de gentibus concessit aliqua priuilegia, & indulta, & inter alia sunt hæc verba tenoris sequentis.

Et insuper episcopis, eorumque Vicarijs, & officialibus, ac quibusuis alijs personis tam ecclesiasticis, quam secularibus dictarum prouinciarum ciuitatum, & locorum sub suspensionis a diuinis ac mille ducatorum auri ipso facto per quemlibet ipsorum contrafacientium incurrendis ac præfatæ Camera applicandis penis, expresse in hibemus, ne filios vestræ tam mares, quam feminas vobis inuitis violenter auferre, seu subducere, nec præter formam Sacrarum Canonum quomodolibet baptizare debeant, vel præsumant, & vt in eius Constitutione. 15. incip. Cum sicut. fol. 5. 16. in Bullario.

Vide Sanctum Thomam in Summa. 2. 2. q. 10. art. vltimo. & in quolib. 2. art. 7. gloss. in c. iudæorum. 28. q. 1. Syluest. in verbo Baptismus. sub num. 4. & in verbo matrimonium. 8. §. 10. vers. 10. Sot. in 4. sent. distin. 5. q. 1. art. 10. & distin. 34. art. 2. Henriq. in summa. lib. 2. de baptismo. c. 25. Ledesma. q. 8. & Afflict. decif. 151. incip. Serenissimus Rex Federicus.

*BENEFICIORVM PAROCHIALIVM COLLATIO.*

**P**RÆTER Summistas sciendum est, quod in prouisione facienda de eis obseruanda sunt disposita per Sacros Canones, nempe in cap. cum in cunctis §. in ser. 2. de electio. ad cuius materiæ declarationem extant. c. licet canon. c. nemo deinceps. c. statutum. c. cum ex eo. & c. commissa d. tit. in 6. & vide c. cum sit ars artium. de eta. & quali. cap. graue nimis. de præben. c. cum in illis. d. tit. in 6. & Conc. Trid. sess. 44. de refor. gene c. 18. extat præterea Pii. V. Constitutio super collatione Parochialium ecclesiarum Romæ publicata die 16. Maij. 1567. quæ